

Otvaranje škole u Prekaji

OHR pozdravlja danasnje otvaranje osnovne škole u Prekaji kao podružne škole “Dr. Ivan Mertz” koja se nalazi u Drvaru. Nakon izvjesnog perioda pregovora koji su se vodili između općinskih vlasti Drvara, kantonalnih vlasti i međunarodne zajednice, postignut je sporazum koji je omogućio danasnji događaj. Obnovu škole finansirala je Evropska Unija, a partner za implementaciju bila je humanitarna organizacija CESVI. Svečanosti otvaranja škole prisustvovali su i predstavnici OHR-a i Evropske komisije, koji ovaj događaj smatraju konkretnom akcijom za dobrobit svih učenika s ovoga područja.

Narocito što je ovime napravljen presedan za Federaciju Bosne i Hercegovine. Prekaja je prva podružna škola u kojoj će učenici, pripadnici srpske nacionalnosti, biti podučavani po nastavnom planu i programu za grupu nacionalnih predmeta koji će biti inkorporiran u pretežno hrvatski nastavni plan i program.

Ovim putem Kancelarija Visokoga predstavnika željela bi izraziti svoje zadovoljstvo radom lokalnih i kantonalnih vlasti koje trebaju biti pohvaljene za pružanje ovakvog primjera i drugim područjima Bosne i Hercegovine. Ova škola pruža mogućnost za sve učenike, uključujući i djecu povratnika srpske nacionalnosti, da uče i da se druže pod jednim krovom. U procesu poticanja izbjeglica i raseljenih osoba na povratak, ovaj sporazum te otvaranje škole značajno će potpomoći ubrzanje procesa pomirenja na području Drvara.

Ovakav pozitivan razvoj događaja, pak, još jednom naglasava kako jedino zajednička jezgra nastavnog plana i programa, koja daje dovoljno prostora za izražavanje različitih jezičnih, književnih, kulturnih i vjerskih identiteta konstitutivnih naroda Bosne i Hercegovine i manjina prisutnih u ovoj državi,

jeste pravilan odgovor za podupiranje povrataka diljem Bosne i Hercegovine.